

Minnisblað

Viðtakandi: Fjölmeningarráð Reykjavíkurborgar

Sendandi: Joanna Marcinkowska, mannréttinda- og lýðræðisskrifstofa

Efni: *Placemaking Week Europe ráðstefna í Pontevedra á Spáni dagana 27.- 30. október 2022*

Joanna Marcinkowska fulltrúi mannréttinda- og lýðræðisskrifstofu Reykjavíkurborgar tók þátt í ráðstefnunni *Placemaking Week Europe* í Pontevedra á Spáni. Ráðstefnan var skipulögð af Placemaking Europe í samstarfi meðal annars við Evrópuráðs verkefnið Fjölmeningarborgir (e. Intercultural Cities) sem Reykjavíkurborg er þáttakandi í. Ferðin var hluti af fræðslu sem verkefni ICC býður upp á.

Um Placemaking Europe

Placemaking Europe er sjálfseignarstofnun, sem tengir saman starfsfólk, fræðimenn, samfélagsleiðtoga og stefnumótendur á sviði staðgerðar (e.placemaking). Placemaking Europe þróar og miðlar þekkingu; leggur sitt af mörkum til að hanna og prófa verkfæri; skapar grunnvöll fyrir hugmyndir; og er virkur talsmaður fyrir betri stefnu í almenningsrými og skipulagsmálum í borgum. Placemaking Europe tengir fremstu aðila, sem vinna saman til að staðgerð verði leið til að skapa heilbrigð, inngildandi og ástkær samfélög og að rýmin sem við búum í verði staðir sem okkur þykir vænt um.

Ráðstefnan fór fram yfir fjórar daga og boðið var upp fjölbreytta dagskrá sem samanstóð af fyrirlesrtum, smíðjum, hópavinnu, göngufundum og göngum með leiðsögn. Nánari dagskrá má finna á [vefsíðu verkefnisins](#).

Hvað er staðgerð (e.placemaking)?

Staðgerð þýðir að búa til staði/ almenningsrými sem styrkja tengsl íbúa og þessara staða. Ferli leggur áherslu á að umbreyta opinberu rými sem tengir fólk og skapar möguleika til samveru, samsköpunar og styðja við innihaldsrík samskipti á milli borgarbúa. Staðgerð tekur mið af fólki og þörfum þess, væntingum, löngunum og framtíðarsýn, og byggir á lýðræðislegri þátttöku í samfélaginu.

Grænt borgarskipulag fyrir fjölmeningar borgir

Fjölmeningarborgir (e.Intercultural Cities) heldu opinn fund á ráðstefnunni sem hét *Sjálfbærar borgir: hvernig geta þær stuðlað að inngildingu?* Þar var fjallað um nauðsyn þess að sameina græna og fjölmenniga stefnur til gagnkvæms ávinnings. Á fundinum var líka kynnt stefnumótun ICC um „[Grænt borgarskipulag fyrir fjölmeningar borgir](#)“

Það er vaxandi meðvitund um þörf fyrir grænt borgarskipulag og endurnýjun og margar aðgerðir eru þegar í framkvæmd á vettvangi sveitarfélaga. Græn umskiptin gerast hins vegar ekki sjálfkrafa og þau þarf að útfæra vandlega til að tryggja að niðurstöður þeirra dreifist jafnt. Viðkvæmustu hóparnir eru oft ekki með í aðgerðum sem miða að því að umbreyta borgum

okkar. Að auki leiða hefðbundin endurnýjunarferli í þéttbýli oft til þess að samfélög missa sjálfsmynd sína þegar umhverfi þeirra er gjörbreytt. Þetta hefur oft afleiðingar fyrir minnihlutahópa.

Stefnuskrá tekur saman lausnir til að ráðleggja sveitarfélögum um aðgerðir sem tryggja að græn stefnumótum í borgum skapi ekki aðeins sjálfbærara umhverfi heldur verði einnig þáttur í að draga úr aðskilnaði og auka fjölmenningsleg samskipti. Stefnumótunin miðar enn fremur að því að hvetja til umhugsunar um hvað borgir geta gert til að stuðla að sjálfbærni í vistvænum umskiptum, sem byggja á vistvænni inngildingunni.